

48424

عن ل عوز

أحمد فرج

ويوان بالعامية المصرية

دار روعة للطبع والنشر والتوزيع

الطبعة الثانية ٢٠١٣

"عتيل عجوز"

شعر
أحمد فرج

غلاف/كريم آدم

الطبعة الثانية ٢٠١٣

دار روعة للنشر والتوزيع

المدير العام//هيئة الشرفاوي

هاتف//٠١١٤٠١٧٨١٤٤٤

میل//

darrawaa@yahoo.com

رقم الإبداع//٢٠١٣/٨٦٧٤٤

الترقيم الدولي //

978-977-6411-99-8

إهداء

لكل الأمانى العنيدة

وكل الظروف الشديدة

وكل البنات

والحالات

والحاجات

اللى خلّتني أكتب قصيدة

الضئكة عالى اتقال
أو لسه ما اتقالشي ..
والدمعة ع اللي اتقال
في القلب وما بانشي ..
والسهرة ع الموال اللي حلي وطول ..
واللذة في نهايته ونعيده م الأول ..
بيقولوا إن احنا ..
من بين جموع الناس ..
مشاكلنا في الإحساس

في الثمانينات ..

انا كنت عيلّ عمره ست سنين

في التسعينات ..

أصبحت شاب عمره فوق الستين

في الألفينات القلب مات ..

مسكين

الواد زياد

كانت

كل ماتيجي تقولُه يا واد ..

يزعل جدًا

ويقوم حاطط إيدِه علي بَقَّة ..

كأنَّه هيدن

ويروح زاعق كالمعتاد :

"ما اسميش واد .. اسمي زياد "

تضحك ضحكة من الأصلية ..

وتفتش جيب الجلالية ..

وتطلع منه المعلوم ..

وتقول : "خد هاتلك عسلية"

يجري عليها ويفتح إيدها
وياخذ منها الربع جنيه ..
يديها بوسة وقبل ما يمشي
يرمي الكلمة شوف ابن الإيه ..
بردو ياتينته ..

ما اسميش واد .. اسمي زياد
وحبته ف حبة كبر الواد ..
حصّل م الألقاب أعداد ..
خالو زياد .. عمّو زياد
بقى مسؤول عن أسرة الواد ..
جوزي زياد .. بابا زياد
بقى دكتور في الجامعة الواد ..
وبقى عند الأولاد أولاد ..

وبعد ما حجّ ولّف الدنيا ..

وبعد ما عمّره دخل عا الميّة ..

لّسه زياد ..

نفسه ف حد يقوله يا واد ..

قرب خد هاتلك عسلية

مش عارف ليه !

مش عارف ليه لما يعدي ..

أستاذ مجدي ..

وأنا بلعب في الشارع كوره ..

دايما بجري

مع إن انا شاطر ومذاكر ..

وعملت الواجب من بدري

مش عارف ليه لما اتصور ..

بطلع زعلان قوي ومكشّر ..

مع إني ضحكت وقلت "تشيز"

فبقوم وبكسر في البرايز

وكرهت التصوير من صغري

مش عارف ليه ..
ولا بنت من اللي انا حبتهم ..
حبتني بجد
مع إن انا قلت غزل وكلام ..
في الدنيا ما حدّش قاله لحد
والمشي معاهم كان دوغري

مش عارف ليه دايا مهموم ..
دايا موهوم ..
مع إن انا عارف ..
إن ده كَلّه مالوهش لزوم
والعمر قصير ويبجري
مش عارف ليه

مش متطمّن

أنا مش متطمّن على نفسي ..

أنا عاوز أشوف دكتور نفسي ..

أنا لازم أشوف حل الموضوع

دا انا كنت كويس من مدة ..

دلوقتي بقيت اضبط نفسي ..

وانا بحكي لنفسي بصوت مسموع

وساعات بلاقيني بردّ كمان

أنا خايف فعلا أكون عيان

أنا حاسس اني بدأت أعجز ..

من كتر الحنقة و مـ التفكير

أنا هـخطف نفسي واروح احجز ..

مش طالبة استني فـقلقي كثير

أنا خايف أكابر في الآخر
وأكنسل حجز الجمعة الجاي
أنا حلو خلاص مش مستاهل
إني اوهم نفسي بـليه واّزاي
طب حلو اّزاي إذا كنت بقيت
على طول متقوقع جوة البيت؟
ما بقيتش بحب ابقى مع الناس
حتى صحايي الأنتيم زعلو
علشان يهرب منهم عـ الفيس
دا غير اللي بشوفه في الكوايبس

أنا لازم اروح الجمعة الجاي
مش لازم يعني أكون عيان

أنا عارف نفسي أنا مش عيان

أنا عاوز حد أتفكّ معاه

ويسينني لحد ما اجيب آخري

يسمعني لآخر قولة آه

دا انا قلبي معي وعلى آخري

أنا جاوز ادمع وأنا بحكي

بيقولو الدمع بيجلي الهم

لو فعلا يبقى خلاص هبكي

دا انا جوايا هم ما يتلم

أنا راجع يوم الجمعة الجاي

هحجز آخر واحد في الدور

أنا مش عيان محتاج لعلاج

أنا رايح افضفض للدكتور

أنا آسف جدا ع الإزعاج

صدعت دماغك ودوشتك

بس اعمل إيه كل ما محتاج

دايما بلاقيك جيّ ف وقتك

ف استحملني.. واسمع مني

وخليك زي دايما نساي

وآخرنا خلاص الجمعة الجاي

كيس كراتيه

فاكر لما انا كنت صغير ..

واما الدنيا كانت بتطر ..

كنت بحب افضل في الشارع ..

وافرد ايدي اعملها جناح ..

واعمل نفسي كاني بطير ..

كنت بحب اعملها كثير ..

واعمل صوت زي الطيارة ..

واجري وادوس في الطين بضمير ..

وامسك ورقة اعملها سيجارة ..

واضحك جداً.. وانا بنفخ من بقي زفير

واما الدنيا تبطل تشتي ..

برجع لأمي وأنا متغرق ..
وافهم منها لما تبرق ..
إنّ الطين في هدومي كثير
فأضحك ليها وما اتكلمش ..
وبعد محايله ما بتطولش ..
باخذ منها رُبّع جنيه ..
وأجري بسرعة واجيب كراتيه ..
وأقعد وأكله تحت السلم ..
وأنا لسه هدومي مانشفتش ..
وبعد ما يخلص مّي الكيس ..
بلحس صابعي النونو بذمة ..
وأرمي الورقة وأقول : "خلاويص"
وأما كبرت ورحلت أمي ..

بقيت فيا حاجات ما ماتتش ..

فاما تمطر ..

وأبقى لوحدي في البلكون ..

بعد ما أبص شمال ويمين ..

بفرد إيدي اعملها جناح ..

واعمل نفسي كإني بطير ..

واعمل تاني صوت الطيارة ..

وبعد ما ادخن نص سيجارة ..

بانفخ جامد زى زمان ..

واسرح جدا وانا بتبتسم ..

واخد مني خمسة جنيه ..

وانزل تحت واجيب كراتيه ..

وافتح واحد تحت السلم ..

فاسمع صوت الناس نازلين
دوغري أداري الكيس في هدوي
واطلع فوق ..
وبعد أما أكل آخر واحدة ..
بلحس صابعي زيّ زمان ..
طعم الكيس مابقاش يمتّعي ..
حتّى صوابعي ..
كانت طعمها أحلى زمان ..
كانت فرحة عمري بشوفها
فكيس كراتيه .. برّيع جنيه
أما الآن ..
همّ القلب ما يسحّهوش ..
ولا كرتونة من الكراتيه

واعمل إيه ..

حال الدنيا ..

وحالي معاها لما تمطر ..

وادفع عمري ..

وأرجع تاني طفل صغير

عمال يلحس صابعه بدمّة ..

بعد ما كل كيس الكراتيه ..

تحت السلم

عود کبریت

عود کبریت .. کان مکبوت

عاش بیعانی و مش مبسوط

کان متصوّر .. إنّ هيقدر

إنّ ینوّر کل البیت

داری دموعه و بعدین قتر ..

حکّ دماغه ف اقرب حیط

كوباية الشاي

مش عارف إزاي ..

كوباية الشاي..

ما بقتش بتعدلي مزاجي ..

ولا بتكيف .. ولا بتعمر

مع إنها نفس التلقيمة

مصبوبة ف نفس الكوباية

واللون زي المعتاد أحمر

تفتكرو العيب بقى في مزاجي؟

ولّا التقلبية الالافه شمال؟

ولّا الدنيا بتلعب بيا ..

وبتعند عمّال على بطّال؟

راجل البيت

نفسى اركب تاني على عجلتي ام ٣ عجلات
والعب في الأوضة بتاعتي براحتي ساعات
وأكرس وانا قاصد بعض حاجات
واطلع م الأوضة على الصالة
وألف وادور حوالين الكرسي عشر مرات
وأعني وانا بلف واقلد كل الأصوات
وأعدّ بعلو الصوت جامد من صفر لألف
وادخل في المطبخ على ماما
وانا بنهج قوي من كتر اللف
واسألها ان كات عاوزه مساعدة
وأقول ان انا قادر اساعد

مش زي ما دايما فاكريتي مركون ع الترف
وانده م المطبخ على بابا
وأقوله انّ انا مابقيتش بخاف أمشي لوحدي
وانّ انا مش همسك إيدك تاني وانا بعدي
وأقوله ان المس بتاعتي
بتقول انّ انا شاطر جدا لكن عندي
وانّ انا في غيابك راجل البيت
مش زي ما دايما كنت تقول
انّ انا مش نافع واني عبيط
وارجع بالعجلة على الصلاة واديه بوسة
وأقوله صحيح زي ما بتقول انا واد عفريت
لكن قولي ..
هوّه انا في غيابك راجل البيت ؟
وارجع م الصلاة على أوضتي وأردّ الباب

وأدوس بالعجلة على بطاقتي
اللي حاططها علي ظهر كتاب
متساب ع اللاب
وأعط وانا كاتم حسي
علشان مايقولش دا مش راجل
أو أي كلام
واقرا الفاتحة وآية الكرسي
واتغطّ وانا م

طنز فيكو

التهاودة ..

وتمناسة عيد ميلادي ..

طنز فيكو

أيوه فعلاً .. طنز فيكو

طنز في صحاي وقرابي ..

وطنز في جبراني وحبابي ..

وطنز فيكو

هشتري لنفسي الهدية ..

مـ المكان اللي بجهته ..

والغلاف هيكون ستان

واشتري الكارت اللي عاوزه ..

- بالموسيقى عشان بحبّه -

غالي من أجدع مكان

واللي كنت أتمنى فعلاً - من زمان -

حد يكتبهولي فيه ..

هكتبه لنفسي فيه

وف نهاية الكارت هكتب:

"من حماده إلى حماده

كل عام وأنت طيب

نفسنا نشوفك قريب

زيّ ما كنت ف سعادة "

وأمضي باسمي تحت ليا

وأما ييجي الليل عليّا ..

هاخد الدش اللي هوّه ..

والبس الحته اللي هتيه ..
واشتري تورتايه لينا ..
وأحجز التراييزة واقعد ..
وأبدأ أفتح في الهدية
وبعد ما افرح بالهدية ..
هاسهر السهرة لوحدي ..
واطفي كام شمعة لوحدي ..
وامسح الدمعة اللي نزلت ..
وآكل التورته لوحدي
وأما هرجع ..
ويقولولي كنت فين
هرمي من إيدي الهدية
وأخنق الدمعة في صوتي

وأصرخ الصرخة اللي هيته

بعد ما طَوَّل سكوتي ..

وانتو مالكو ..

طر فيكو

مُتَضَامِن جَدًّا مَعَ نَفْسِي

مُتَضَامِن جَدًّا مَعَ نَفْسِي

وَوَاقِفٌ جَنَبِي

بِرِتَاحِلِي وَأَقُولِي إِلَيَّ فِ نَفْسِي

وَبَطَّلَعُ كُلَّ إِلَيَّ فِ قَلْبِي

عَلْشَانُ كِدَّةٍ بَاخِدٍ يَإَيِّدِيَا

لِقَدَامٍ عَلَى طَوْلِ

وَبَشَجَّعَ نَفْسِي إِيَّايَ اتَّقَدَّمْ

وَتَمَلِّي بِقَوْلِ

عَلَى نَفْسِي بَطْلَ

لَوْ مَهْمَا حَصَلَ

أَنَا أَكْثَرُ وَاحِدٍ مُؤْمِنٍ يَيَّا

أنا أكثر واحد

واثق فيّا و قلبه عليّا

أنا أحسن واحد

يفرح بيّا ويزعل ليّا

أنا معجب جدّا جدّا بيّا

أنا أكثر واحد يشجّعني

أنا أكثر حدّ حقيقيّ يجدّ بيسمّعني

أنا لما الدنيا بتقسى شوّيّة وبتدمّعني

أنا أكثر واحد بيدلّعني

أنا أكثر حدّ بحبّه وواثق

عمره ما هيصّعني

ولع نفسك

لَوْن سَقْف الأَوْضَة بتاعتك

باللون الأزرق

ارسم فيه الشمس بتشرق

وارسم فيها وشم بيضحك

وارسم كام عصفورة تزقزق

اقفل أوضتك

شغل أحلى أغاني تسرك

نام على ضهرك

حط الهاند فري على ودنك

غني معاها وقول على آخرك

اخرج برة دواير حزنك

قول اللهم سلام عن إذنك

دلّع نفسك

ما تخليش ولا حاجة ف نفسك

وكل ما تلقي الحظ معاندك

وكل ما تضيق غصب عتّك

اققل أوضتك

نام على ضهرك

حط الهاند فري علي ودنك

عيد الكرة

مليون مرّة

بُكرة العيد

من لحظة ما المفتي يعلن
إن اليوم الوقفة وبكرة العيد ..
وده مستنّي تعدي الليلة بأيّ طريقة ..
علشان جايب كوتشي جديد ..
نايم واخذ الكوتشي ف حُضنه ..
لسه الدنيا ف عينه بريئة ..
وباباه جاييله مسدس مئة ..
بيقوم يلمسه كلّ دقيقة ..
نفسه ينام لكن مش قادر ..
طار النوم علشان مستنّي ..
عمّال ييفكّر مش صابر ..

ويحسبها بكل تأتي ..

ماما هتجيلي لعبة هدية ..

بابا هيديني بكره عيدية ..

هاخد منه عشرة جنيه

هشتري نضارة شكل العجلة

بنص جنيه ..

هاكل كشري قول بجنيه ..

وهيب شيلسي ومب قول بجنيه ..

وهيب قرطاس لب بنص جنيه ..

هترجح بجنيه ..

وبعد العصر هأجر عجلة قول بجنيه ..

وهيتبقى معايا خمسة جنيه ..

هصرفها ف تاني يوم

فجأة عيونه النونو تروح في النوم

وأما باباه يبجي يصحّيه ..

يلاقيه لابس فردة كوتشي ..

فيقول بعد ما بصّ عليه :

"مستعجل قوي يا بن الإيه"

فيصحّيه بشويش ويوسّه

وفثانية يطلّع في فلوسه

يديه خمسة جنيه

فيووظ حساباته

ويدمرّ أحلام ثاني يوم

من غير وش

فجان القهوة المتعطّط

على كيف كيفك ..

رعدة إيدي ..

خلّته يتدلّق على إيدي ..

قدّام عينك

ف سماح المزاوي ومعلش ..

حاول تشربها من غير وش

مع إن أنا عارفة ..

إنها لوكانت من غير وش ..

ما يتكيفش

لكن معلش

طب ما انتا معايا وطول عمرك ..

من أول لمسة لإيدك على كتفي ..

ولحد ما حُكم السن رَعش كَفِّي ..

دأِما بِتَصَبَّح من غير وش ..

دأِما تتكلم من غير وش ..

واقبل مَثْكَ وما بتكلمش

فاسمحي المرادي ومعلش ..

واقبل مني ..

فنجان القهوة المتطبَّب

على كيف كيفك ..

من غير وش ..

وما تتكلمش

طبطبة

الإيد بتاعة الطبطبة ..

شايلها عندي في الدولار

وساعات في لحظات مُتعبة..

بكون علي وَشك أكتتاب..

ف قبل يعني أمّا أكتّئب ..

بفتح دولاي من سُكات..

وبطلّع الإيد الخشب..

وافضل أطبطب بالساعات..

علي ضهري حَبّة .. وكتفي حبة

وع الإيدين حَبّات ..

وعمّس بيها بشرقي ..

وأنا بستخبي وممسح الدمعات
الإيد بتاعة الطبطبة..
كات إيد عروستي الطيبة..
من ييجي قول عشرين سنة..
كنا بنتكلم سوا..
وتخاف عليا من الهوا..
كانت حبيبتى وصاحبتي..
كانت زميلتي ف وحدتي..
وكنتم لما بخاف قوي..
بلاقيها مني قرية
والقلب لما يستوي..
كات بتواسيني ب طبطبة
وف يوم ضحكت بعلو صوت ..

ف اتقالي دي قلة أدب
والبنت تضحك ليه بصوت ؟
صرخت عروستي من الغضب
ف طبيعي كان لازم تموت
داسوا عليها قصاد عيلنا ..
بدون سبب
فاتكسرت م الخوف علينا
واتبقت الإيد الخشب

اكسر يمين

اخبط على دماغ الوجع بشاكوش
واكسر ايدين الهم والأحزان
واري وراك كام ذكرى ما اتجوش
وادهن جدار القلب بالألوان
وارجع حماده بفرحة ما تساعهوش
لما يجيب عسلية م الدكان

اضرب فرامل سكة الأوهام
علشان توقع ياس متشعبط
واكسر يمين على سكة الأحلام
وافتح على الرابع بقا استعبط
واخدع رادار الدنيا دي بكلام

يَعْدِلُ مَزَاجَ الْقَلْبِ وَيُضَبِّطُ
انْزِلْ بِحُورِ الْفَرْحِ يَهْدُومُكَ
عَنِّي جَيُوبُكَ مِنْهَا بِالضَّحِكَاتِ
طَلَّعَ لِسَانَ الطِّفْلِ لَهْمُومُكَ
وَارْقُصْ وَعَنِّي وَعِيشْهَا بِاسْتِعْبَاطِ
وَاسْمَعْهَا مِنِّي يَكُونُ فِي مَعْلُومِكَ
الَّتِي أَكْتُابُ مَدَنِيا طَقَّ وَمَاتِ

زعلان منك

أنا زعلان منك
إمكتك .. زعلان مني
أنا هاجي أصالحك
وهتضحك وتكلمني ..
واللي حصل بيننا ياما يحصل
بين الإخوات ..
عمري ما فكرت أنه هيوصل
إنّ انتا تبات ..
في نهاية اليوم .. شاييل مني
وياعم أنا بعترف إنّي غلطت ..
فوتها بقي دانا ياما فوتت

طب فآكر يوم مآ كشت السر

ورحت حكيت ..

مع إني قائل لك مآ تصيحش ؟ ..

أنا صح زعلت

لكن بعدها على طول فكيت ..

علشان مش عاوز يحصل تآتش ..

ويا عم هبوس راسك معلش ..

يآد دآ آحنآ آخوات بقى مآ تقفلش

وان كآ عآ الناس اللي أنا زعلتك قدامهم ..

هآجي قدامهم ..

وهقولك آسف ومآترعلش

لسآك مش عاوز تتكلم ؟

طيب أنا جآيلك وهسلم ..

وَأَيَّاكَ تَعْمَلُهَا وَمَاتَسَلَّمَش ..

طَوَّلْتَ عَلَيْكَ ..

وَطَالَمَا رَدَّيْتُ وَمَاكَانَسَلَّتْش ..

وَطَالَمَا كَلَّمْتُ وَمَا قَفَلْتُش ..

يَبْقَى أَنْتَا صَفِيَّة

صَاحِبِي أَنَا وَصَلْتُ ..

إِنْزَلْ إِفْتَحْ ..

أَنَا تَحْتَ الْبَيْتِ

ميت وجم يه فنوه لقوه صاحي ..
ورجع معاهم ماشي على رجليه ..
وبصوا عشانه الدبايح والسهرة صباحي ..
عملتها إزاي وي قولّي يابن الإيه؟!

وَشَّ بَشُوش

لَمَّا تَكُونُ مُتَضَاقِقَ ..

اعْمَلْ نَفْسَكَ رَاقِقَ ..

وَاصْحَحْ عَ الْحَزْنَ بِضَحْكَايَةِ ..

تَدِيهِ مَقْصَ يَحْيِيَةِ الْأَرْضِ ..

وَمَا تَعْمَلْشَ حِسَابَ وَلَا حَدَّ

حَتَّى وَلَوْ مَشَّ ضَحْكَةً بِجَدِّ ..

مَثَلْ مَا يَهْمُكَشِي ..

هَوَّهَ عَبِيطَ هَيْصَدَّقَ ..

هَيْسِيْبِكْ وَهَيْمَشِي

أَصْلَ الْحَزَنِ مُجَرَّدَ ..

مَا يَشُوفُ ضَحْكَةَ مَفَارِقَةِ وَشُوشَ ..

بيعشش وما بيهموش

ويهر ب ويخود ..

أول ما يشوف وش بشوش

يوم التلات

وكل يوم في المدرسة ..

كل العيال

أما يشوفوني يقولوا يا أقرع

وانا لما بسمع .. ساعات بضيع

وبسء وذي .. وساعات بدمع

وكل يوم الساعة سبعة باخد الدوا

وفاضلي جرعة يوم التلات هتفوت هوا

وخلص هخف .. وشعري يطلع

وهسيبه يطول .. واحط جلّ واسرحه

عشان العيال اما يشوفوه ..

يلاقوه ييلمع

خائف من الموت ليه؟
ما تخافش مته يا جوع
ياما ناس بدون أسباب
ماتت ف بطل ولع
واللي بصحته نام
صحيوا لقوه ميّت
واللي اتضبط ع الطريق
يا صوب وراعه اتجزع!

مُتفائل

أنا مش عبيط لكّي عايشها باستعباط ..
وبحاول ابعد عن الخنقة وعن الإحباط ..
ومتفائل .. ومش طالبة معايا عياط
وأحزاني .. بحب اضربها في الخلّاط
ولو فرحة ماهيش واضحة ..
قوام بلقطها بالملقاط
وأكبرها .. والونها
وابروزها .. وازيتها
واعلقها على الحيلة ..
وابص عليها يوميًا عشر مرّات

راجل عجوز

راجل عجوز ..

وعشان عجوز ..

دايماً يعوز ..

واحد يعدّيه الطريق ..

واحد يقوم له في الترام ..

واحد يعامله كالصديق ..

ويسيبه يحكي لو مطّول في الكلام

واحد يقوله كلمة حلوة تبلّ ريق

واحد يعامله باحترام

راجل عجوز ..

وعشان عجوز ..

بيكون خير ..

شايف الحياة كويس

ما بيتضايقش كثير ..

لو حد بيألس ..

أو حد بيغلس ..

فَيَقول عليه فِسرُه :

كله ولُه عُمرُه

لو ما اتبلاش بالموت ..

ف مسير سنينُه تفوت ..

ومسيره بيتقي ف يوم ..

راجل عجوز

ما دام التوب موقّني ..
ولقمة عيش بتكفيني ..
وسقني ساترني من تحتيه ..
ورزقي الله مبارك فيه ..
طب أنزعل ليه؟

احترامي

احترامي ..

للي يقول شندوتش ..

واللي قال لابس كوتش ..

اللي بان زي ما هوه ..

اللي براه زي جوة ..

اللي فاضل مهما حاصل

هوه هوه ..

واللي عنده وش واحد

وسط خلق بألف وش ..

احترامي ..

للي يتكلم في وشك ..

واللي يستحرم يغشك ..

واللي قال الحق عندك

لما فعلا يقي عندي ..

واللي يفتح عيننا ..

وقت ما بيعيني عندي

واللي يططب عليا ..

واللي يفتوت شوية ..

واللي قال يوم ما تقفل

زي ما بتاخذ بتدي ..

احترامي ..

للي عدا عليا سلم

حتي لو زعلان معايا ..

واللي سابني لما اكمل

لو مطّول في الحكاية ..

واللي رغم البعد فأكّر ..

واللي رغم الهم صابر ..

واللي يوم ما أحتاجه بِنْدَه

بلتفت .. بلاقيه ورايا

حَلَقَ الدَّقْنُ وَظَبَّطَ حَالَهُ*
عَلِشَانِ حَانَ مَوْعِدُ تَرْحَالِهِ
يَلَّا يَا وَفْعَةَ الْقَطْرِ هَيْطَلِحِ
رَكِبِ الْقَطْرَ.. الْفَاتِحَالَهُ

*حادث قطار البدرشين 15/1/2013

سنوياً

وسنوياً..

في نفس الليلة برجعلك

وادمّعلك

واقول فعلاً خلاص انا ثبت

واقر بذنب خبيته

لكن عنك ما يتخباش

واقول اني السنادي تعبت

وعشت حاجات ما حبتهاش

عشان سرت فطريق مشبوه

ومن تاني لقيتني رجعت

عشان خايف اكمل اتوه

فخد إيدي

وخلّيني..

أُكمل بس في السكة اللي ماتتوهش

وقويني .. على نفسي عشان ما اضعفش

وقدّرني .. أجيلك في السنة الجاية

في نفس الليلة .. ليلة القدر

دا إن كان لسه فاضل عمر

وانا راضي على نفسي

عشان نفسي

أجيلك بس لو مرة

ومش مكسوف

أوقات

أوقات بحسّ إنّ انا ..

طاير في سابع سما

وكثير بحسّ إنّ انا ..

مدفون في سابع أرض

وما بين لفوق ولتحت ..

العمر كان ينفوت

شايف وانا في السما ..

الدنيا مش مضبوط

خايف وانا في الأرض ..

أصلي افتكرت الموت

فلا كنت فوق مبسوط

ولا حتى تحت ارتحت

البصر الأحمر والإسود لونهم أنزرق
والمية الزرقا قصا عيّنك وحي ماهيش
زرقا

المية بتعكس لون السما فـ تبان أغمق
والسما أصلا لو تتأملها ماهيش غامقة

عندي أمل

يا منجّي يوسف صبي من وحدته في البئر

ومنجّي يوسف نبي من حبسته بالأمر

ومنجّي موسى رضيع من رميته في النهر

ومنجّي موسى طريد بعصاية شقّت بحر

ومنجّي يونس بذكره جوة بطن الحوت

ومنجّي أيوب بصبره ع المرض والموت

ومنجّي نوح من موج عالي بعلو الجبل

أنا لسة عندي أمل

مع إن انا مش نبي

ولا ذنبي أد العمل

بحور الشعر

بحور الشعر أحوالها ما بتطمّش ..
ساعات اصطاد بصّارة وأطلع قرش ..
ساعات اصطاد بهركب صيد
وبفرد شبكي ع الواسع ..
وما بترزّ قش ..
وانا ما انكرش ..
يان الصيد دة رزق وكله ع الرزّاق ..
لكن بردو ..
لا بد تهيأ الأجواء ..
وعاوز خبرة وشطارة ..
و عمري ما شفت حد اصطاد ..

بدون شبكة وصنارة ..
ساعات أرمي الشبك أسبوع ..
وما يطلعهش ولا سمكة ..
ساعات ألقى السمك مسروع ..
ينط لوحده في الشبكة ..
وبحر الشعر كان مروج ..
ف طَقى فنارُه وانا بصطاد ..
يا بحر ارحمني دا الموضوع ..
أساسا إني مش صياد ..
نزلت البحر أتوصى ..
فشَدّتني العيون الحور ..
وقصّيت عندها مُدّه ..
ف خلّتني أَلَفّ وادور ..

وبما إني خلاص انا جيت ..
فلو تسمح يا بحر يا ريت ..
تنوّلي في شطّك بيت ..
ونوّلي الفنا حبة ..
لحد اّما احفظ السكّة ..
وعلّمني لوحدي اصطاد ..

وقبل ما حد يتوَّع ..
وع الصبعية عيني عينك ..

بشكل جميل
شعاع الشمس حد بوسة ..
من المية

اللي ماشية تملي تتوَّع ..
في نهر النيل

وكان الكل مستمتع
ف ساب البوسة ع المية
لحد الليل

الفاء : فراق مكتوب على اثنين مغلوبين
والممّ : ممة إيدي في وروب الحنين
والطاء : طريق مسدود على حدود
التواصل

والميم : منين الصبر ع البعد اللي حاصل؟
والهاء : هتيجي يا فاطمة فرصة ل اللقاء؟
رؤي عشان ملّيت بقا

ست الحسن

ما فيش في إيديّا غير قلبي
وحية شعر في عيونها ..
وست الحسن ساكنه ف قصر
والحرّاس محاطينها
وبرة القصر سور بيدور ..
وبرة السور ٢٠٠ مسرور يأمّنها ..
وآه منها.. وم الأيام وم الأحلام
وهيه أميرة بنت ملوك ..
وأنا صعلوك ..
بيحلم تضحك الأيام

سنڌريللا

الساعة وصلت لـ ١٢ ..

وسنڌريللا خلاص هتمشي

لكن النوبادي للأسف ..

كات لابسة كوتشي ..

مربوط بذمة ..

فلما مشيت .. ماسابتش فردة

تديني فرصة اوصل لها ..

يعني خلاص .. كله انتهى

وحتى يعني لو سابتها ..

فانا مش أمير ..

علشان بسلطاني أفوت

والف على كل البيوت
لحد ما اقدر الاقي بيتها
وقوام في ثانية اوصل لها
يعني خلاص كله انتهي
وحتي يعني لو لقيتها ..
ولا هقدر ادفع مهرها ..
ولا عندي ورث عشان
احقق حلمها ..
فاكيد خلاص كله انتهي
فاحكو لأولادكو الحكاية
زي ما حصلت معايا ..
قولوا اني غلطان م البداية..
عشان عشقت بدون ما افكر في النهاية

أو قولوا إن السندريلا ..

حسبتها صح من البداية ..

كات عارفة أصلا كل ده

ومتأكدة .. إني مَقْلَس

وعشان كدة

جت لابسة كوتشي .. رابطاه كويس

ففي الصورة نازلة القصة هـ القورة

ف مصنيعة قورته

والضحكة طلعت نصّ مكسورة

ما وارثش تكشيرته

الأصل وايماء أعلى م الصورة

مع إنها صورته

تلق اللحظة

تلك اللحظة ..

لما القلب يدق بقوة

غضبٍ عنك ..

بالرغم أنك ..

عامل حائط صدّ عليه

ومبطنه بالخوف من جُوه

تلك اللحظة

لما يقولك: أيوه بحبك

ردّ إعمل معروف ..

بالرغم أنه ..

مش مُتَوَقَّع منه يقولها

علشان وئش كسوف ..
وبرغم انه البادي ..
عامل نفسك عادي ..
ومن جؤاك هتموت م الفرحة
وبعد الفرحة تموت م الخوف

تلك اللحظة ..
لما تلاقي النص الثاني ..
واقف ليك في البر الثاني ..
عمال ينده ليك من خوفه ..
وانتا يا عيني قليل الحيلة ..
لا معاك مركب ف تعديله ..
ولا في دماغك خطه بديله ..
ولا مسموحلك بعد ما توصل

حتى تشوفه ..

تلك اللحظة..

لما تقولك صعب نكمل

احنا غلطنا عشان حيننا ..

كتنا قفلنا الباب مـ الأول

كان كده فعلا أحسن لنا

أنا تعبانه ..

ولا مننا قرّينا ونولنا ..

ولا مننا وقرنا بكانا ..

تلك اللحظة ..

لما الدنيا بتنسى .. وتمنع عنك خيرها

فانتا تقرر تنسى .. وتقول خيرها فـ غيرها

وتفوت مُدَّة ..وتعرف غيرها وغيرها

ورغم البعد .. ورغم الوقت

بتفضل برديو فأكرها

بعونا بمزاجنا

عشان التشابه ما بيني وبينها ..

بقينا حبايب برغم الظروف

عشان الظروف اللي مانعة ارتباطنا ..

رفضنا المقابلة ولمس الكفوف

عشان التلاسن وكُثر الكلام ..

عشان احنا خايفين نُقع في الحرام ..

عشان التدئين ..

عشان احنا أحسن ..

بعدنا بمزاجنا وعائبنا الظروف

حاجات خايفة

ويتشعبط..

على حبال الهوى الدايفة

وانادي عليها مرّة كان ..

ويستعبط..

وازود في العشم حبة

وبعمل نفسي مش زعلان ..

ويتلخبط..

كده ويعمل حاجات خايفة

عشان أثر الزعل ما يبان

على وِثِّي.. لكن بيبان

ومعلّشي.. أنا الغلطان

عشان دلّعت بزيادة

وتغلط واجري كالعادة
أراضي وادادي كل أوان
عشان في الحب انا ساذج قوي وطيب
وفي أمور اللوع خيبان

سبعين لايق

سبعين لايق في دقيقة واحدة ..

والعدد عمّال يزيد

وكل ما يزيد العدد ..

أفتح واشوف مين الجديد

ويعدّي واحد بعد واحد بعد واحد ..

وتفوت وحايده ياما ع البوست الشهير

ويعدّي وقت كبير ..

وانا قلبي قاعد ..

مستني واحد ..

يعمل لايق

اتنين واحد

زمان كنت واحد ..

وكنت انتا واحد ..

ويوم ما اتقابلنا ..

بقى الكل واحد

وقررت تبعد ..

وانا فضلت أعند ..

ويوم ما افترقنا ..

رجعت انتا واحد ..

وأنا رجعت واحد

لكنّ الواحد ..

ما رجعتش خالصة ..

حكاوي وعوايد ..

بترطنا لسه ..

فَنُصِّكْ معايا

وَنُصِّ معاك ..

فَحَسِّيتْ دموعي ..

وحسِّيتْ بُكاك ..

وعشان أبقى نفسي ..

وعشان تبقى نفسك ..

مفيش يا ملاك ..

سوى حلّ واحد ..

نعود تاني واحد

الشعر أسود من عيونها ..
وعيونها أسود من سنين عمري اللي فات
والسن أبيض من خدودها ..
وخدودها أبيض من كفن حلمي اللي
مات

شوية حاجات

في كل الظروف

وكل الحالات

هتفضل عيوني

تدور عليكي

في كل البنات

ومها بعدنا.. ومها افترقنا

ومها عشقنا وقابلنا وفارقنا

هتفضل في قلبي ..

شوية حاجات

ساعات بفتكرها فـ بسرح وبزعل

وتمسح دموعي قوام من سكات

وَيَمْتَنِّي حَاجَةً لَا يُمْكِنُ هَتَحْصِلُ

عِشَانُ صَعْبٌ جَدَا

نَعِيشُ فِ الْي فَات

الدَّوَامَة

آخر عود كبريت

موجود في البيت

في نهاية السهرة ..

كان بيولّع ..

آخر حبة تبغ اتلقّو

فآخر ورقة بفرة ..

خد نَقسين وتلاتة وخمسة ..

كان مُتَوَقِّع إنه هينسى ..

ويادوب بعد ما خلصت منه سيجارته ..

ويادوب بعد ما جنبه لمس مرتبته ..

جت على باله عينيها فَفَكَّر فيها

طار النوم واتكرر أرْقُه وحيرْته ..

والتفكير هيحاصره بشدّة

لحدّ ما ينزل بكرة ..

يشترى ١٠٠ علبة كبريت ..

على كام كيلو تبغ ..

ومليون ورقة بفرة

معذورين

ومن العجيب إنّي
كل الكلام الحلو
اللي كتبتّه ف يوم
عن بنت بهواها
يقراه جميع الخلق إلّاها
ويقولوا مين هيّة؟
واقول يا ناس هيّة
من بين بنات الكون
اللي أبيع العمر وانا راضي
علشان أقضيّ دقيقة ويّاها
هتقولوا واد مجنون
وهقول عليكموا معذورين مساكين

لو كنتوا شفتوا فاطمة بعيوني
كنتوا عذرتوني
لكن نصيبي كده
تخطف فؤادي من بعيد لبعيد
وافضل كده كل ده
لا عارف لها سِكة ولا مواعيد
بالله عليكو ياللي ظالميني
لو يوم قابلتوها
لتبلغوها سلام
واللا بلاش تقولولها إكمّتي
م الغيرة مش قابل
ولا اي حد يروحلها بكلام
لو حتّي كان متّي
وخلاص بقا

لو في نصيب في القا
لازم هنتقابل

بيخاف ينام

كُتِر الكلام ..

بيوجع القلب الجريح

فسيبوه ينام ..

لعلّ قلبه يستريح

وعد الصباح هيقوم تمام

ولمّا نام ..

جاءته تسلم في المنام ..

وجعته قلبه بكلمتين الله يجازيها

فبسرعة قام ..

وخاف لا حد يسأله

إيه قومه ..

وخاف يردّ يفهمه
ف يحنّ لها ..
ويزود الجرح بكلام
وبردو خاف يرجع ينام

ما بنساش

وبنسافر بعيد جداً ..

عشان ننسى .. وما بنساش

وبنجاول كثير جداً ..

نتوه فى الدنيا ونصّيع

وبردو جراحنا ما بهداش

وفى الآخر .. وم الآخر

بنكتشف اننا أصلاً ..

بنتمنى اننا ما ننساش

يمر العمر بسنينه ..

وبنفكر كثير قاصدين

بنتعجب حبه آه يمكن ..

لكن دا لاننا عارفين ..

يان الذكريات ديّه ..

الى راكبينها ف دولاب القلب

أعزّ بواقى باقيالنا ..

لناس فعلا صحيح تتحب

وبعد سنين من الأحداث ..

ويمكن هُما نسيونا ..

لا يمكن ننسي بعض الناس ..

داوونا ولا جرحونا

وننقل تانى ع الصندوق ..

ونتهدّ فى لحظة شوق ..

ونعمل نفسنا عادى

فنُطبّط عيتّا بتدمّع ..

ويتشاور ويتودّع ..
حبايب لينا في الماضي
وبنحاول كثير فعلا ..
ونعمل نفسنا ناويين ..
نخط القفل ع الصندوق ..
عشان تناسى بني آدمين ..
وما بترضاش

رُوشَّة

وجع القلوب مالهوش دوا بكلام ..

اتداوى بالأيام ..

واتنصَّح المرأة اللي جايت عشان ..

قلبك بقى أضعف من الأول ..

ما بقاش بيستحمل ..

ولا جمل صدمة ولا انتكاسة ..

واهدي كدة .. وماتنفعلش من الحماسة

واحسب خطاويك مُسبِّقا

ماتسييش فرصة مطلقا ..

تدخل في دوامة ..

وَألف حمد الله ع السلامة

يومين و خلاص

وكلّ الناس ..

بتعمل نفسها عادي

بتتقابل وتتكلّم ..

وتضحك لما بتسلم ..

وكّاه مطاطي ومسلم ..

لصوت الحزن من جواه

ويتمان البكا والآه ..

بيخنق عُمره ع الهادي

وبردو الناس ..

بتعمل نفسها عادي

وبتعيشهم يومين و خلاص

ماهيش فارقة

ريجة البصل .. وقنابل الدخان
بيجبروك تبكي .. حَتِّي بدون أحزان
فلَمَّا ييجي الحُزن ..
استقبله بالحُضن
قوله الدموع سابقة ..
يعني ماهيش فارقة ..
اعزم عليه بضمير .. يستتي وامسك فيه
خليه يحس كثير .. إنك مرحب بيه
في ساعتها هيسيك .. ويروح يزور غيرك
وعشان يحس انه .. له هيبه زي زمان
هيروح يزور واحد .. بيخاف من الأحزان

ماكانش قصدي

لما قلت طر فيكو ماكانش قصدي
بس يعني ساعات بكون مخنوق شوية
فاعذروني .. لما رجل الدنيا تتكى عليا
واما سهم الهم يرشق في الضلوع
واسمحو لي .. اتي اقول آسف جهارا للجميع
واللي لسة شايلها لينا ومش ناسيها
فانا بردو زعلان من يومها
وخلاص بقى حقك عليا
وعديها لي .. امسحها فيا
واللا اقولك..
بالنيابة عن الجميع وخصوصا انتا
ظرفيا

الشعر ناب

الشعر ناب نابت في بُق الشعب
يعضّ بيه كلّ اللي يجي عليه
يا إمّا كلمة فـ بُق ابن الكلب
راكع عشان يقبض ثلاثة جنيه
وانا شعري راکع بس بيوطي ..
عشان يجيب الطوبة من ع الأرض
ومادام كرامتي مالية محفظتي ..
هحذف قوي ع الظلم مهما اشتد
بكتب كلام يطلع رصاص وبارود ..
بيقول عدالة وعيش وحرية
وما دمت عايش والقلم موجود ..
عمري ما هقبل في الوطن دية

الأسامي مش أسامي سينيمائية ..
الأسامي عارئة جدًا ..
واللي راحوا عشان يعود الحق ليا ..
كانوا متّا حقيقي فعلا ..
للأمانة ..
كانوا أحسن

عاش الملاح

خسرت الحصان ..
وبعدُ الفيلين والطّوايى ..
وجيشك مُحاصر .. ولِسَّاكِ مِكاير
خسرت الوزير ..
وضمّيت بِحُبّةِ عساكر ..
ولِسَّاكِ مِكاير ..
خسرت الرهان ..
تَكَبَّدتِ أَكْبَرُ خِساءر ..
ولِسَّاكِ مِكاير ..
فاضل لكِ حصان ..
وتندم بِقِيّةِ حياتكِ ..

فاضل لك دقيقة كمان ..
وتُعلن وفاتك ..
وفاتت دقيقة .. ومات الحصان
وفاتت دقيقة .. ومات الملك
ده بعد امّا جيشه هلك ..
بدأ دور كمان ..
وكان الملك ..
بيشبه مثيله اللي فات ..
في كل الحاجات ..
فهمت الحقيقة ..
في أوّل دقيقة ..
فتحت الطريق للوصول للملك من سكّات ..
فمات الملك بأسلم طريقة ..
وهوّه الوحيد اللي مات ..

حميت العساكر..
طلعت بأقل الخسائر ..
بدأ دور جديد ..
ملك من جديد ..
وزير من جديد ..
ونفس العساكر ..
وخاف الملك من مصير اللي مات ..
وكان لسه فاكر ..
فَحَكِّمْ ضَمِيرُهُ فِي كُلِّ الْحَالَاتِ ..
وخاف عالعساكر ..
فَعَاشَ الْعَسَاكِرَ ..
وعاش الملك ..
ولعنوا اللي فات

مشاهد

مشهد أول قبل الثورة :

__ نفسك تطلع إيه يا حبيبي؟

قالّي: "أنا عاوز أطلع ظابط

علشان أقبض على الأشرار"

مشهد ثاني ف عزّ الثورة :

__ قولّي يا بابا ..

همه الثوار دول أشرار؟

__ لأ يا حبيبي ..

__ أمال ليه الظابط في الشارع

شُفته بيضرهم بالنار؟

مشهد ثالث بعد الثورة:

__ نفسك تطلع إيه يا حبيبي؟

قالت أنا عمري ما هطلع طابط ..

هطلع واحد م الثوار

رسم الأم الضيق جدا ..

أوسع جدا..

أأمن جدا ..

من ونيتنا المربعة جدا

ضربة الآيش

طول ما الولد ..

أبو نجمتين ع الكتف ..

رافض يقف في الصف ..

وعايشها عكس الشعب ماهو عايش ..

عمر البلد ..

ماهتمشي يوم مضبوط ..

وهتتخق وتموت ..

تحت البيادة بضربة الآيش

كاي

وكلّ ما أفكر أهواي ..

يحيني واد لابس كاي ..

يخليني ..

أسبّ في بلدي من ضيقتي ..

وأقول دي وسيتة ملاي ..

فعمري ما أفكر أهواي ..

وبلقاي حلمي تابوت ..

وبعد ما يمشي بستغفر ..

وأقول دي وزّة م الشيطان ..

وبرجع احنّ ولا بقدر ..

واقتر بأغلظ الأيمان ..

ياي شمت من علي ..
وساخي .. دا انا مكبوت
لكتي يا مصر هواي ..
ووقت الجد انا فداي ..
بلبي الملكي مش كاي ..
وهشبتك .. فداي هموت
بجك موت فإياي ..
تسيبي الواد ابو الكاي ..
يدوس على قلبي ببيادته ..
يمس كرامتي بسيادته ..
يقلل قيمتي جواي ..
يخليني ..
أبات في بلادي مش مبسوط

هتفت صندّه وأملي سلاحي جوايا
كتمولي صوتي لما قتلته: كفاية
قصفولي قلمي الجريء مرة ورا مرة
و ف كل مرة .. يكون ويايا برّاية

نفس المشهد

في الأفلام العربي زمان ..
من أيام الأبيض واسود حتى الآن ..
مشهد واحد ويبتكر كل أوان ..
قبل نهاية الفيلم بثانية ..
كل الناس لازم تتفاجئ ..
إنّ الطابط هوّ الجاني ..
وتروح ناس وبتيجي ناس ثانية ..
ونشوف بعديه أفلام ثانية ..
واللي يغيظك .. ويخليك فعلاً متضايق
قبل نهاية الفيلم بثانية ..
إن الناس لسنة بتتفاجئ ..

إنّ الظابط .. هوّ الجاني

آخر فيلم في مصر اتشاف ..

فيلم الثورة ..

وانا كان عندي ساعتها حماس ..

إني أعرف كل الناس ؟؟

قبل الفيلم مايدأ أصلاً ..

إته بيحمل نفس الفكرة ونفس المبدأ ..

وبردو الناس مش عاوزة تصدّق ..

وتقول لأه

المُرّادي في شيء مش عادي ..

عمره ما يطلع هوّ الجاني ..

لازم يطلع واحد ثاني ..

خلص الفيلم المرعب جدا ..

طلع الطالب هوه الجاني ..
صرخوا الناس الساذجين جدا ..
وانا واقف أدمع في مكاني ..
نتقابل في الفيلم الجاني ..
بعد ما ننسى الفيلم الماضي ..
وهنضحك وهنشرب شاي ..
ونضيق وقتنا ع الفاضي ..
وهتندم ماتقولش ازاى ..
وسواء راضي أو مش راضي ..
بردو هتكتشف المرادي ..
إنّ الجاني ..
عُمره ما يطلع واحد ثاني
غير الطالب

أنا عود كبريت ولّح شمعة
والشمعة اتولّح منها ٢٠٠ قنديل
أنا مُت وموتّ الضلّة
ف اقرولي الفاتحة كثير لما
تمشوا في نور القناديل بلّيل

العساكر مئة مئة

هُمَّا كَانُوا سَاعَتَهَا كَثْرَةً وَأَغْلَبِيَّةً
وَاحِدًا كُنَّا قَلَّةً لَكِنْ ثَوْرِيَّةً
هُمَّا بَاعُوا الدَّمَّ وَاتَنَاسُوا الْقَضِيَّةَ
لَمَّا قَالُوا عِ الْعَسَاكِرَ مِئَّةَ مِئَّةَ
وَاحِدًا ضَحِينَا بِحَيَاتِنَا وَنُورَ عَيْنِينَا
لَمَّا قَتَلْنَا عِ الْعَسَاكِرَ بِلَطْجِيَّةٍ
وَالزَّمَنَ أَهْوَ دَارَ وَجَارَ
وَبَعْدَ مَا اتَّكَشَفَ السِّتَارُ
الْعَسَاكِرَ فِي اعْتِصَامِهِمْ ضَرَبُوا نَارَ
هَمَّا صَرَخُوا وَقَالُوا فِي طُلُوعِ النَّهَارِ
الْعَسَاكِرَ قَتَلُوا مِئَّةَ خَمْسِمِئَةٍ
الْعَسَاكِرَ جَرَحُوا مِئَّةَ تِسْعِمِئَةٍ

العساكر العساكر..

والجميع كان لسه فاكر

لما قالوا دا العساكر مية مية

فالجميع ما بقاش يصدق كدهم

مع انهم

النوبادي كانوا يقولوا الحقيقة

العساكر..

موتوا منهم شوية فكام دقيقة

وبرغم كرهى لكرهم

عمري ما هقول زيمهم

العساكر مية مية

عمري ما هبيع القضية

الواد بتاع البطاطا

الواد بتاع البطاطا ..

أول ما اتقاله تاتا ..

خطي يجيب قوته ..

وسرح بعريئته ..

وقفها في الميدان .. وحجزه بيها مكان

ورقاها بالقرآن .. وسندها ببلاطة

ونادى يا بطاطا

يا معسلة يا كيزان .. مشوية على قلبه

يا مشماه الدخان .. طب هوّه إيه ذنبه

كفّه اليمين ملسوع .. من لمستة للفحم

كتفه الشمال موجوع .. من شيل شوال ع اللحم
والكوتشي كان مقطوع .. إكتنه من باتا

عسليّة يا بطاطا

يا معسلة بالقوي .. ومحرمه انه يدوق
يا مبلّعا الريق .. طعمه خشب محروق
يزيد في قلبه الشوق .. نفسه يدوق عسلك
ويقول مسيرها تروق .. لو عملي بأصلك
دا الواد قنوع جدا .. ما طلبش شوكلاته
عسليّة يا بطاطا

يا معسلة بالقوي .. ومحرمه هدومه
يا مجرياه بعسكري .. ومزوده همومه

يا مسهّراه بكام كوز.. ومسوّده وشّه
و مَخْلّياه أراجوز .. ومكحّلة رمشه
حلمه بسيط جدا .. لقمة غطا وفرشة
يحبّ كل الناس .. وعایشها ببساطة
عسلیة یا بطاطا

یا معسّلة بالقوي .. كان صوته بینادي
كان الميدان ملیان .. والجو مش هادي
ولإنه مش محظوظ .. قرر يدوق عسلک
أول ما رفع الکوز .. قلّتي لیه بأصلک
فجأه سکت صوته ..
أو قال بصوت مخنوق:
"دانا كنت نفسي أدوق"

طب كنتي سبتيه يدوق

في آخر أوقاته

لو مره في حياته

غدارة يا بطاطا

صباح الخير
برغم اللي حصل بالأمس
وبرو الشمس
طلعت نورت يومنا
وبرو صبحنا من نومنا
على صوت زقزقة عصافير
وبرو الدنيا لسة بخير

الوصية

ولما اموت وتدفنوا جسمي ..
ما تعملوش مادة وعزا وصوان
وماتعملوش كولدير عليه إسمي ..
وما تشحتوش الفاتحة م العطشان
وماتنعوش الفرح والزغاريد ..
وما تطلعوش على قبري يوم العيد ..
وما تلبسوش اسود .. فوق التلت تيام
وقسموا المتساب .. تقسيمة الإسلام
وماتزعلوش ثانية .. وعيشوا وانسوني
وحاسبوا م الدنيا .. و ياريت تسامحوني

عَيَّلَ عَجُوزَ

- الواد زياد..... ٧
- مش عارف ليه !..... ١٠
- مش متطمن..... ١٢
- كيس كراتيه..... ١٦
- عود كبريت..... ٢١
- كوباية الشاي..... ٢٢
- راجل البيت..... ٢٣
- طُر فيكو..... ٢٦
- مُتَضامن جدًا مع نفسي..... ٣٠
- دلّع نفسك..... ٣٢
- بُكرة العيد..... ٣٤
- من غير وش..... ٣٧
- طبطة..... ٣٩
- اكسر يمّين..... ٤٢
- زعلان منك..... ٤٤

٤٨.....	وَشَّ بَشُوش
٥٠.....	يوم التلات
٥٢.....	مُتَفَائِل
٥٣.....	راجل عجوز
٥٦.....	احترامي
٦٠.....	سنويًا
٦٢.....	أوقات
٦٤.....	عندي أمل
٦٥.....	بحور الشعر
٧٠.....	ست الحسن
٧١.....	سندريلا
٧٥.....	تلك اللحظة
٧٩.....	بعدنا بمزاجنا
٨٠.....	حاجات خاوية
٨٢.....	سبعين لايك

٨٣.....	اتنين واحد
٨٦.....	شوية حاجات
٨٨.....	الدّوامه
٩٠.....	معذورين
٩٣.....	بيخاف ينام
٩٥.....	ما بننساش
٩٨.....	رؤشته
٩٩.....	يومين وخلاص
١٠٠.....	ماهيش فارقة
١٠١.....	ماكانش قصدي
١٠٢.....	الشّعر ناب
١٠٤.....	عاش الملك
١٠٧.....	مشاهد
١١٠.....	ضربة الآيش
١١١.....	كاكي

١١٤	نفس المشهد
١١٨	العساكر مئة مئة
١٢٠	الواد بتاع البطاطا
١٢٥	الوصية

للتواصل مع الشاعر // أحمد فرج

Email : ahmetfarag@gmail.com

فيس بوك

<https://www.facebook.com/afarag2>

صفحة الشاعر (أي كلام | أحمد فرج) علي
الفيس بوك :

<https://www.facebook.com/AyKalamAhmedFarag>

موبايل : 01226024030

روعة

